

# OBAVJEŠTENJE KORISNICIMA KANTONALNOG DJEČIJEG DODATKA OPĆINE NOVO SARAJEVO

Obavještavaju se korisnici dječijeg dodatka da su dužni obnoviti dokumentaciju za dalje ostvarivanje prava po kategorijama kako slijedi:

- 1. Korisnici dodatka na djecu koji su ostvarili pravo kao porodice za troje ili više djece po kantonalnom zakonu** - Zakonu o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 - prečišćeni tekst, 38/16, 44/17,28/18, 52/21 i 40/22), dužni su dopuniti dokumentaciju u periodu od 01.septembra do 31.oktobra tekuće godine.

**Ova kategorija korisnika od dokumentacije dostavlja:**

- Cipsove prijavnice boravka za roditelje i djecu,
- Ovjerenu izjavu da su ostali podaci dostavljeni uz prvobitni zahtjev ostali nepromijenjeni,
- Potvrdu o redovnom školovanju za djecu stariju od 18 godina, školska 2024/2025 godina.

Zahtjev za nastavak ostvarivanja prava na dječiji dodatak podnosi se na obrascu NS-OB-300 i isti se može preuzeti na web stranici i Info punktu Općine Novo Sarajevo.

- 2. Korisnici dodatka na djecu koji su ostvarili pravo na dječiji dodatak za vrijeme redovnog studiranja po Kantonalnom zakonu** - Zakonu o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 - prečišćeni tekst, 38/16, 44/17,28/18, 52/21 i 40/22), dužni su dopuniti dokumentaciju u periodu od 01.septembra do 31.oktobra tekuće godine.

**Ova kategorija korisnika od dokumentacije dostavlja:**

- Cipsove prijavnice boravka za roditelje i djecu,
- Dokazi o statusu za sve punoljetne članove zajedničkog domaćinstva za posljednja tri mjeseca prije podnošenja zahtjeva (potvrda poslodavca o visini primanja, uvjerenje Biro-a za zapošljavanje i sl.)
- Ovjerenu izjavu da su ostali podaci dostavljeni uz prvobitni zahtjev ostali nepromijenjeni,
- Potvrdu o redovnom studiranju, školska 2024/2025 godina.

Zahtjev za nastavak ostvarivanja prava na dječiji dodatak podnosi se na obrascu NS-OB-120 i isti se može preuzeti na web stranici i Info punktu Općine Novo Sarajevo.

**Ukoliko korisnici nisu u mogućnosti dostaviti potvrde o redovnom studiranju u roku koji je određen ovim obavještenjem, dužni su dostaviti blagovremeno ostalu dokumentaciju kako bi se dopuna izvršila na vrijeme, dok potvrde o redovnom studiranju mogu dostaviti naknadno.**

**3. Korisnici dodatka na djecu koji su ostvarili pravo po osnovu invalidnosti 90%-100%, djeca bez jednog ili oba roditelja i oboljela djeca po kantonalnom zakonu - Zakonu o socijalnoj zaštiti, zaštiti civilnih žrtava rata i zaštiti porodice sa djecom** („Službene novine Kantona Sarajevo“, broj: 38/14 - prečišćeni tekst, 38/16, 44/17, 28/18, 52/21 i 40/22), dužni su podnijeti dopuniti dokumentaciju u periodu od 01.septembra do 31.oktobra tekuće godine.

**Ova kategorija korisnika od dokumentacije dostavlja:**

- Cipsove prijavnice boravka za roditelje i djecu,
- Ovjerenu izjavu da su ostali podaci dostavljeni uz prvobitni zahtjev ostali nepromjenjeni,
- Potvrdu o redovnom školovanju za djecu stariju od 18 godina, školska 2024/2025 godina.

Zahtjev za nastavak ostvarivanja prava na dječiji dodatak podnosi se na obrascu NS-OB-128 i isti se može preuzeti na web stranici i Info punktu Općine Novo Sarajevo.

**NAPOMENA: Korisnici pod tačkom 1. i 3. koji su ostvarili pravo na dječiji dodatak/dodatak na djecu u ovoj godini, trebaju dostaviti samo potvrde o redovnom školovanju za djecu stariju od 18 godina, školska 2024/2025 godina.**

Sve dodatne informacije mogu se dobiti putem Službe za socijalna pitanja, zdravstvo, izbjeglice i raseljena lica Općine Novo Sarajevo na telefon: 033/492-122.